

kontuola

KONTUOLA, Idolaz elkarte, ANTZUOLA. Kazetaria: Marijo Deogracias, Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 77. zenbakia. 2001eko apirilaren 20a.

Hemezortzi neska-mutiko urtebetez Gaztetxeko arduradun

Aurtengo kintoak dira gazteen lokalaren arduradunak

Hemezortzi dira eta hemezortzi urte dituzte, eta otsailaren bostetik Gaztetxeko ardura hartu dute. Aitortu digutez, "ez da lan handia, baina gure artean ondo konpontzeko zailtasunak izan ditugu hasieran; dena dela, hori konpondu dugu, eta hemendik aurrera Gaztetxearen dinamika berpiztea izango da gure lehentasuna".

Eta horretan hasi ere egin dira. Hainbat kontzertu antolatu dituzte eta karnabaletan afaria ere egin zuten. "Orain arte Skalariak taldearen kontzertua izan da egin dugun ekitaldirik jendetsuena. Korrikaren aldeko ekitaldia izan zen, eta eurekin batera Suitzako Peacocks musika taldea ere hemen izan zen. Beste behin Arrasateko bi talde gonbidatu genituen, eta baita Katalunia-ko talde bat ere".

GAZTEEN ELKARLEKUA

Egubakoitzetan elkartzen da jende gehien. "Astean zehar, eskolan ari diren gazteak etortzen dira, eta egubakoitzetan adin tartea handiagoa izaten da. Hala ere, zapatuetan denbora gehiago izaten dugu zabalik". Egunero arratsaldeko 5etatik 9etara egoten da zabalik eta bina orduko txandak egiten dituzte. Asteburuetan, berriz, ixteko ordua aldakorra izaten da. "Jendearen gogoaren arabera gehiago edo gutxiago gelditzen gara, baina orduan ere bi txanda egiten ditugu".

GAZTETXEAREN ETORKIZUNA

Antzuolako Udalak egin nahi duen gizar-te etxea dela eta, Gaztetxearen kokapena aldatu egingo da etorkizunean. Orain



Hiru neska eta hamabost mutikok dute Gaztetxeko ardura.

dik ez dira lanak hasi, eta ez dakite noiz hasiko dituzten, hala ere, "herriko jaiak baino lehen ez dutela itxiko esan digute, eta ziur asko hemen egongo gara jaietan ere". Gero, Gaztetxe berria zelakoa nahi duten galdetzean zera diote: "etxeetatik urrunxeago egotea komeniko litzateke, hartara musikarekin arazorik ez genuke izango, baina herriko plazatik behera egon beharko litzateke, hortxe ibiltzen dira eta antzuolarrak; taberna ere izan beharko luke, izan ere, diru-iturri bezala ondo etortzen da; lokalaren tamainari dagokionez, oraingoa bezala izatearekin nahiko".

ETA BITARTEAN ZER?

"Gaztetxea hartu genuenean hainbat gauza konpontzeko zeuden: komunetako bat ez dabil, eta leihoetako bat ere kon-

pondu beharra izan dugu. Horretaz gain, bilarra ere apurtuta dago, eta argi gutxi daukagu". Baina dena ez da kexua. "Hainbat txapelketa antolatu nahi ditugu. Batetik futbolin txapelketa egiteko-tan gabilta eta bestetik, eta aprobetxatuz zale asko dagoela aspaldian, dardo txapelketa. Billarra ere jarriko genuke, baina 50.000 pezeta baino gehiago kostatzen da, beraz, oraingoz behintzat beste biekin geratuko gara".

Gaztetxeko arduradunak hauexek dira: Josu Agirre, Mikel Bargiela, Larraitz Berraondo, Xabi Biteri, Jessica Escobar, Mikel Fortuna, Gorka Iglesias, Ugaitz Iturbe, Jon Kortabarria, Erik Lizarralde, David Martin, Asier Odriozola, Idurre Orobengoa, Jon Pagaldai, Sergio Sanchez, Iban Unanue, Gotzon Zabalo eta Josu Zubikarai.

Debarroko pilota txapelketaren finala An tzuolan jokatu da

Apirilaren 29an, domekan, Antzuolan jokatu da Debarroko pilota txapelketako finala. Aurreko Kontuolan esan genizuen pilotalekua itxita egongo zela margotu egin behar zutela eta. Jadanik txukundu dute eta guztia prest dago Debarroko eskuz binakako pilota txapelketaren finalak jokatzeko.

Hiru final jokatu dira, baina ez da antzuolarrik egongo baten ere. Izan ere, bi bikoteak, kadeteak eta nagusiak, kale-ratu egin dituzte ligaskan zehar: Olalde-Mintxegi-Idiakez hirukotea kadete mailan eta Agirre-Biteri bikotea nagusietan.

Debagoiena eta Debarrena bailaretako pilotariak aritu dira azkenengo hilabeteetan ligaska jokatzeko eta, azkenean, iritsi da egun handia. Kadetetan Arrasateko Uribarren eta Agirrek jardungo dute Soralezeko bikotearen aurka. Gazte mailan, berriz, Soraluze da momentuz sailkatu dena, izan ere, martitzenean jokatu behar zuten Eibar eta Eskoriatzaren arteko kanporaketa.

PARTIDA BIKAINA

Nagusietan partida interesgarria ikusteko aukera izango da. Aretxabaletakoak

eta Bergarakoak arituko dira nor baino nor. Aretxabaletatik Errasti anaiak etorriko dira. Bi hauek denboraldi bikaina egin zuten iaz eta aurten ere ez dira makal ari. Puntuka berdinduta zeuden mondragoetarrekin, baina azkenean eurak iritsi ziren finalera. Aurrez aurre, Bergarako Muguruza eta Gutierrez izango dituzte. Juan Mari Errastik -Errasti anaien aitak- adierazi digunez ondo jokatu gero, irabazteko moduko partida izango da.

Pilota jaialdia goizeko 10:30ean hasiko da Herriko pilotalekuan.

Gazte mailako futbol taldea igoera aldiko txapelketan

Bigarren urteko gazte mailako futbol taldea bikain ari da aspaldian. Igoera aldiko partidak jokatzeko ari da datorren denboraldian maila bat gorago aritzeko asmoz. "Eta lortuko dugu, gainera!". Ziur daude AKEko gazteak. Oraindik bost norgehiagoka gelditzen zaizkio taldeari, eta asteburu honetan etxean arituko dira mondragoetarren aurka. Zaharrenek kanpoan jokatu dutela eta, Estalan arituko dira zapatuan David Lopez de Abetxuko "Txuko"ren mutilak.



Denboraldi hasierako argazkia.

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA


Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

GOROSTI Taberna

☎ 943 76 62 96
Zurrategi plaza ANTZUOLA



1998ko txapelketako irudia.

Eskuz binakako pala txapelketa abian da

Joan zen hilaren bukaeran hasi zen aurtengo bikotekako pala txapelketa eta hurrengo partidak zapatuan jokatu dira, apirilaren 21ean. Goizeko 09:00etan hasiko dira partidak eta eguerdia bitartean bost partida jokatu dira. Aurtun

hamaika bikote ari dira lehia bi mailatan banatuta. Maila bakoitzeko lau lehiak sailkatuko dira maiatzaren 12an jokatu diren finalerdietarako. Finalak, berriz, maiatzaren 26an jokatu dira.

Bikoteak

1. MAILAN

A. Arbulu - B. Zabalo
I. Toledo - A. Peñalva
J. Irizar - A. Iraola
J.T. Garitano - I. Arana
I. Manso - R. Iturbe
G. Iparragirre - T. Jauregi

2. MAILAN

A. Biteri - J.G. Biteri
J. Garitano - L. Larrea
J.M. Aranburu - X. Sansebastian
J. Larrea - J.S. Aristi
A. Rodriguez - A. Azkarate

BALKOI ETA LEIHOETAKO LORE LEHIAKETA

Seigarren urtez Antzuolako Udalak "Balkoi eta leihoetako lore-apainketa lehiaketa" antolatu du. Herriko jaietarako etxeak dotore eta koloretsu egon daitezen eta, bide batez, herrian lorak ipintzeko dagoen ohitura aprobetxatuz, ekainaren 23an lore ederrenak dituztenak sarituko dituzte. Bi sari banatuko dira: 15.000na pezetakoak biak. Batetik, alde zaharreko balkoia eta leihorik ederrena sarituko da eta, bestetik, auzo eta etxe berriagoetako balkoia edo leihorik ederrena. Saria ematerako orduan barietatea, konposizioa eta etxearen kokapena izango dira kontuan. Beraz, badakizue. Udaberrian gaudela eta, lora ederrak zaindu eta ingurua apaintzearekin batera sari bat irabazteko aukera izango duzue.

KUKUMARRO LEHIAKETA SAN ISIDRO EGUNEAN

Maiatzaren 19an San Isidro eguna ospatuko da, baserritarren eguna eta urtero legez, kukumarro lehiaketa egingo da egun horretan. Antzuolako Udalak antolatu du lehiaketa hori eta hiru mailatan parte hartu ahal izango da: 12 urtetik beherakoak, 12 urtetik gorakoak, eta erretiratuak. Horren arabera, sariak ere hiru izango dira: parte hartzen duten txiki guztiek sorpresa bat irabaziko dute eta 12 urtetik gorakoek eta erretiratuek, berriz, 15.000na pezeta. Izena emateko udaletxera edo liburutegira jo dezakezue eta epea maiatzaren 10ean amaituko da. Lehiaketara aurkezten diren txorimalo guztiekin erakusketa egingo da San Isidro egunean goizeko 11etatik aurrera.

Igor eta Txomin



Margoak orokorrean

ANTZUOLA
609 157 131

BERGARA
609 150 164



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrun instalazioak

- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espedituek bideratzen ditugu

Aitor Larrea, Antxitxika triatloi taldeko kidea

«Megafonixatik esan zozkuen Espainiako txapelketara juteko erreserban gendela»

Tres Cantosen, Madrilen, Espainiako duatloi txapelketa jokatu zuten orain dela bi aste. Hantxe izan zen 24 urteko gazte hau. 10 kilometro korrika, 40 kilometro bizikletan eta beste bost korrika egin zituen, 200 lagunekin batera. Zenbat denboran egin zuen ez dakiela dio, baina 60.a izan ei zen. Zapatuan, berriz, Gasteizko txapelketara joango da.

Zela sailkatu zinen Espainiako txapelketarako?

Euskal Herriko selekziñuakin jun nitzan. Aurretik bi probetan ibilli nitzan: lehenengua Basaurin eta bigarrena Oñatin. Han bukatu giñuanian megafonixatik esan zeben nere taldeko mondragoetar bat eta neu Espainiako txapelketara juteko erreserban gendela. Ustekabian harrapatu ginttuan kontuak. Gaiñera erreserbarako esan zeben ze, Basaurin 14. gelditu nitzan eta Oñatin sei garren (Oñatin neure espezialidadia izan zan: bizikletan korrika baino distantzia luziagua). Azkenian jutia tokau jakun eta gustura.

Ze mailatan aritu zara?

Seniorretan ibilli naiz. Duatloietan hiru maila dare: esprina, erdi duatloia eta luzia. Txapelketia luziena zan eta airtortu bihar dot neu hobeto ibiltzen naizela horretan ze korrika baiño distantzia luziagua izaten da bizikletan eta neu bizikletan hobeto ibiltzen naiz.

Gainera zeu txirringularia izan zara.

Horregatik nabil hobeto bizikletan, baiña iaz Julen Garitano eta Karlos Ba-



Zapatuan Gasteizko duatloira joango da.

lezenak esan zozten Bergaran bazebiltzela beste lagun batzuekin triatloi talde bat egin nahixan eta neuk be hastia erabaki neban. Anaia, Iker, be nerekin batera hasi zan. Trajiak Igartuanekuek emoten doskue eta bestelako laguntzaik eztauku: karrerretarako gastuak gure kon-

tura egitten dittugu.

Gusturago aritzen zara kirol mota horretan?

Lehen bakarrik kirol baten ibiltzen nitzan, eta oin bizikletan, korrika eta igerixan egitten dot. Gaiñera lagunekin ibiltzen naiz eta dibertigarrixagua da. Oin "todoterreno" naizela esan leike.

Astian zenbat entrenatzen duzue?

Egunero egitten dogu zeozer. Pare bat orduz egunero ibiltzen gara. Ariketan Arrasateko kiroldegiko mediku taldiak ipintzen dozku.

Noiz izango da hurrengo txapelketa?

Zapatuan Gasteizera goiatz. Duatloi txapelketa dago eta neure gustua danez, hobeto ibiltzia espero dot. Korrika asko galtzen dot, nahiko flojo ibiltzen naiz korrika.

Iron man probak dira triatloi munduan ezagunenak. Animatuko zara?

Udan Dinamarkara juteko asmotan gare. Momentuz Julenek eta bixok asmo hori daukogu eta anaia be animauko dala uste dot. Oindio asmua da bakarrik, baiña hori izaten da lehenengo pausua, ezta?

■ ■ ■
Udan Dinamarkara juteko asmotan gare,
Iron Man txapelketara
■ ■ ■

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatua eta barnizaketa •

GAILUR

taberna eta gozotegia

Buztinzuri 13 ANTZUOLA
Tf. 943 78 70 32

LARREA

TABERNA

Kalebarren 17
ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriadako pinturak •
- Paper margotuak •
- Mokitak eta tapizatuak •